

ییل : ۱ جلد : ۱


شباط ، ۱۳۲۹

شماره جموعه یی

خالد

آیده بر چیتار

مدیر : جلال ساهر



فیئانی : بش غروش

پارس دارالفنونی (صوبون)

استانبول دارالفنوننك اصلاحي موضوع بحث اولدیني صیراده اوروپانك عالمشمول برشهرتی حائز منابع عرفانندن برینك تشکیلاتنه دائر معلومات ویرمك قائدهدن خالی ده کلدرد . بوجهته عثمانیلر نزدنده أك مونس اولان صوبونك تاریخیچه سیاه تشکیلات حاضره سنی کوستره ن بو مقاله یی نسر اتمکی مناسب کورویورز .

معلومات تاریخی


پارس دارالفنوننك اساسلرینی اون ایکنجی عصر میلادیده پارس افسقپوسنك تحت اداره سنده تأسس ایدهن مدرسه لر تشکیل ایتشدرد .

بومدرسه لرده تدریسات اوچ درجه یه منقسم ایدی . برنجی درجه ده کی تدریساته صرف ونحو ، منطق ، بلاغت ، ایکنجی درجه یه ریاضیات ، موسیقی هندسه وهیئت داخل ایدی . سلک رهبانه اتساب ایتك ایسته ینلر الهیات وطب تحصیل ایدهرلردی .

أسکیدن پارسده بومدرسه تأسیس ایتك ایچین مدرسك نوتردام کلیسای افسقپوسندن مساعده استحصال ایلهمه سی لازمدی . اوندن صوکره معلم سیته ده برکلیسانك صحتنده ، دورت یول اغزننده ویاخود آچیق بریرده درس ویرمكه باشلاردی . بومکتبلر آزمون ظرقده فرانسه ده وبوتون قرون وسطی عالمنده یویوک برشهرت قازاندی ؛ تحصیل ایچین اوروپانك هر طرفندن برچوق کنجلر پارسه شتاب ایتمكه باشلادیلر .

سیتده اجتماع ایدهن بو آتشین ، جوال ذکالردن دائماً حواریونه لایق برحیات امرار ایتمكه قالمایانلری ، کتاب یا کلشی سیلمك ایچین کسکین بیچاقلر طاشیانلری ده واردی . بعضاً بونلری باشقا ایشلرده قوللانانلری ده اولوردی .

بر آراق نوتردام جوارنده کی مدارس اوقادار چوغالمشدی که معلمیندن بعضیلری سن نهرینک صول یاقاسنه کچمکه مجبور اولمشلر واون اوچنجی عصرده بر طرفدن معلملر، دیگر طرفدن طلبه تا اون جمعیتلری تشکیله باشلامشلردی . تاریخده بواتحادلرک متمادی تأثیراتی کورولویور.



یکی صوربون : پارس دارالفنونی مجلس اوداسی

۱۲۰۰ سنه سنده طلبه جمعیتی عموم طلبه نك يالکز کلیسا محاکمه تابع اولاجغنه دائر بر امرنامه حکمداری استحصال آیه یور؛ فقط بوامتیا زایله اکتفا ایتمه یور؛ یکر می سنه صو کرا پارس ايسقپوسنک تدریساته مداخله سنی طانیامغه قرار ویریور و کندینه مخصوص بر مهر احداث و دارالفنونی دوغرودن دوغرویه پاپانک تحت حمایه سنده اعلان ای دیور . معلمین جمعیتک تشکیلی فکر تعاونی اویاندرمش اولدیغندن اووقته قادار متفرق بر صورتده درس ویره ن معلمین تدریساتی دورت شعبه یه تقسیم ای دیورلر : صنایع یا خود علوم عالیه شعبه سی، کلیسا حقوقی شعبه سی، طب شعبه سی، الهیات شعبه سی. بو شعبه لرک هربری فاکولته

اسمینی آلیوردی. جمعیت معلمین بر طرفدن تدریساتی شعباته تقسیم ایده رکن طلبه دخی ملیتلری اعتباریله جمعیتلرینی دورت قسمة تفریق و هر برینه ملت عنوانی اعطا ایدیورلر ایدی :

نورماندیا ملتی ، پیقاردیا ملتی ، اینکیلز ملتی ، آلمان ملتی .
هر بر ملتک بر کتخداسی ، هر فا کولته نک بر (دو آیهن - آق صاقلالی) ی واردی . بر مدت صوکرادرت ملت دارالفنونک مدافعه حقوقی وظیفه سیله موظف اولمق اوزره عمومی برره کتور (رئیس) مقامی احداث ایتدیلر. ره کتور بر قاج آی ایچون انتخاب طریقله تعیین اولونوردی .

اون اوچنجی عصرک اواسطنده قوله ژلر (طلبه یوردی - مدرسه لر) احداث اولوندی. قسم اعظمی فقیر اولان طلبه اووقته قادار کلیسا قاپیلرنده ، اولرک بودروملرنده و یاخود سوقاقلرده اقامت و دیلنجیلکه تعیش ایده رلر ، درس لرینی کلیسا قاپیلرنده بر زنجیره باغلی اولان کتابلردن مطالعه واحضار ایلرلردی . قوله ژلر بدایتده طلبه نک بیتوته مخصوص اولمق اوزره تشکیل قیلینمش ايسه ده مرور زمان ایله مدرسلر قوله ژلر داخلنده درس ویرمکه باشلامش و بو صورتله بو مؤسسه لر علمی بر شکل آلمشدر . بو قوله ژلردن بری اولان صوربون آرزمان ظرفنده بویوک بر شهرت قازانمش و شهرتی دائماً تزید ایتمک شرطیله شیمدی یه قادار محافظه ایله مشدر .

صوربون قوله ژری روبر دو صوربون اسمنده براهل خیر طرفدن الهیات طلبه سندن اون آلتی شا کردک مجاناً اقامته مخصوص اولمق اوزره تأسیس اولونمشدی .

پارس دارالفنونی اون اوچنجی ، اون دوردنچی و اون بشنجی عصرلرده شایان حیرت بر شعشه ایله قرالک ، کلیسانک اقتداری فوقنده بر استقلال ایله اداره اولونمش ، بعضی کره مصالح علمیه خارجنده کی مسئله لره دخی مداخله ایده جک درجه ده کسب شهرت و نفوذ ایله مشدر .

اون آلتنجی عصردن اعتباراً پارس دارالفنونک اُسکی شعشه سی ، اُسکی نفوذ و شهرتی منطقی وزوال پذیر اولمغه باشلایور ، اوچ عصرلق بر مدت ظرفنده دارالفنون بر دورغون دوره کچیریور .

بو انحطاطك برنجی سببی فرانسه ده یاواش ، یاواش قراللقده تمرکز ایتمه
یاشلایان قوتدر .


فی الحقیقه داها ۱۴۴۵ سنه سنده برنجی شارل دارالفنونك بعدما محاکم
عادیه یه تابع اولدیغنی براراده ایله امراییدیور ، اون آلتنجی عصرک نهایته دوغرو
دوردنجی هانری بعدما فرانسه ده شبابتك مقتضیات عصریه یه کوره تعلیم و تربیه سی
حقنك منحصرأ حکومت قرالییه عائد اولدیغنی اعلان اییدیور و دارالفنون بو
اوامره قارشو پروتستو ایده مه یور .

لاکن بواسباب مادیه دن ماعداد دارالفنونك انحطاطنه برطاقم عوامل مغویه نك ده
تأثیری محققدر .

اسقولاستیق اصولنی تعقیب ایتکده اولان دارالفنون عصر لرجه غایت محافظه کار
یاشامش و اون آلتنجی عصر دن اعتبارأ افکارده حاصل اولان انقلابه عطف
اهمیت ایتك ایسته مه مشدر . فی الحقیقه طباعتك ایجادی کتابی خرج عالم یاشمش ،
آمریقانك کشفی ارضك حدودی حقه ده کی ظنیات عتیقه یی زیروزبر ایتمشدر .
رونه سانس دوری قرون وسطی ایچین مجهول قالمش اولان یونان ولاتین
آثار قدیمه سنی میدان چیقارارق فکر بشر ایچون یکی یکی عالم لر آچمشدر .
نهایت لوتهر اجتهادات مذهبییه سیله قاتولیک کلیسایه ، اسقولاستیق اصوله
بویوک برضربه ایندیرمشدر .

فرانسه ده ، اوزله آن وره یمس شهر لر نده ، اینکیلترده ده ، اوقسفورد و کهمبریجده
آچیلان یکی دارالفنونلر صوبونی طلبه سنك برقسمندن محروم ایتدی .
نهایت بر کون کلدی که منحصرأ لاتینجه تدریساتده بولونان پارس
دارالفنوننده کی تحصیلک کفایتسزلکی حکومتجه ده تصدیق ایدیله رك قوله ژ
دوفرانس احداث اولوندی .

برمدت صوکرآ جزویتلرك تأسیس ایله دکتری مکتبلر و بومؤسسات علمییه ده
تطبیق اولونان تجدیدات عالم معرفته یکی یکی افکار آچدی ؛ عصرک متفکریتندن
بری : « جزویتلرك شهرت عرفانی دیگر معلملری کولکده براقیور و یاواش
یاواش صوبونی انظار عالمده محقر بروضعیته صوقیور » دییوردی .




يکى سوربون : دارالفنون کتبخانه-نک قرائت سالونى

بر آراق ريشليو سوربونى تعمير و توسيع ايتمش ومازارهن دورت ملت
مکتبى انشا ايله مش ايسه ده بو تشبثلر دارالفنونک روحنه نفوذ ايدمه مش ،
هيئت عموميه سى اسكى ذهنيته ، اسكى محافظه کارلغنده قالمشدر .
دارالفنون عنغه پرورلکنده او درجه ثبات ايديوردی که مونته سکیو
ایله ، ژان ژاق روسو ایله ، دالامبره ، دیده رو ، وولته ر و دیگر آنسیقلوپه دیستر
ایله کشاد اولونان حریت تفکر دورده سنک بیله اهمیت و قیمتی تقدیر ایدمه مش .
و بو بویوک متفکرلر ایله باشلایان انقلاب علمی دارالفنونک متعصب آشیکلرینی
تجاوزله حریمه داخل اولامامشدر .

انقلاب کیر دارالفنونى بو حالدہ بولدی و صیرا ایله امتیازاتی ، اموال
واملاکنى ضبط ، نظاماتی فسخ ایتدکن صوکر اونی کلیاً الفا ایله دی .
انقلاب کیری تعقیب ایدن بر عصر ظرفنده پارس دارالفنونى فکر تعقییدن

اوزاق و دائماً عوامل سیاسیه دن متولد بر چوق تشبثات مجددانه نك بازیچه سی اولدی قالدی .


تاله یران بر لایحه سنده معلومات بشریه نك بر برلرینه مناسبتدار اولانلرینی تألیف و تصنیف ایده رك مكاتب عمومیه ده تعلیم و تدریس ایتکی و بو مکتبلی توحید ایله بویوک بردارالعلوم تأسیسنی توصیه ایله دیکی اثناده دیگر بعضی متفکرلر مسالك علمیه نك هر برینه مخصوص مكاتب خصوصیه تأسیسنه طرفدار کورونویورلر . تاله یرانك مسلکی بر آراق غلبه ایده رکی اولویور، فقط بویوک آدمك فکرینی موقع تطبیقه وضع ایتک صیره سی کلدیکی زمان معلملرک اقتدارسزلغی، مصارفی تأمین ایده جك قارشیلغك فقدانی عقیم براقیور . صیرا ایله بر هندسه خانه، بردارالمعلمین، اوج مکتب طیه، بر مکتب حقوق و بر اجزاجی مکتبی احداث اولونویور . حکومت بو مکتبلرایله برابر أسکی دارالفنونك رتب علمیه سنی احیا ایدیور . برنجی ایمپراطورلق بو مکاتبه فتون و ادبیات فاکولته لرینی ده علاوه ایله یور . حکومت قرالیه نك اعاده اولوندیغی رهستوراسیون دورنده کیزو، قوزهن وویلن کیی داهیلر صوریونده ادبیات شعبه سنده کی درسلیله پارس دارالفنوننه أسکی ششعه سنی آگذریر بر نفخه حیات و فعالیت ویریورلر . اودرجه ده که اوروپانك هر طرفدن قوشوب بو معلملرک رحله تدریسنه داخل اولان طلبه نك کثرتی أسکی کوزهل کونلرک عودت ایتدیکی حسنی اویاندریور . کیزونك، قوزهنك، ویلنك درسلی کالاعتنا ایله ضبط اولونویور؛ بونلر طبع واوروپانك بوتون محافل ادبیه وفلسفیه سنده بویوک بر تهالك ایله مطالعه ایدیور . فقط بواوچ داهی ایله دارالفنوننه توجه ایدن اقبال افکار عمومیه نك سیاسیات ایله پك زیاده مشغول اولماسندن دولای تمامیه انکشاف ایده مه یور . دارالفنون ابنیه سنك ترقیات و احتیاجات عصریه ایله متناسب اولماسی لابور آتوار، کتبخانه کیی وسائط تحصیلیه نك فقدانی، معلملردن قسم اعظمك اقتدار علمیدن زیاده ذی نفوذ رجاله انتسابلری نظر دقته آلینارق انتخاب اولونماسی و بناء علیه اقتدارسزلغی، درسلرنده حریت فکریه لرینی استعمال ایده مه مه لزی دارالفنونك عالم مدنیت نظرنده کی اهمیتی تنزیل ایتدجه ایدیور .



« یلکی صوریون » ک عمومی منظره سی

حال حاضر


آلمانیا نك اولا اوستریایه وبعده فرانسه یه غلبه سی علم و فنك محافظه كارلق و عنعنه پرستلكه غلبه سی کیی تلقی اولونویور و جمهوریت تأسس ایدره ایتمز ژول فیری، رنه غوبله، بهرتلو کیی معارف ناظرلری فرانسه نك تدریسات عالیه سی تنظیمه بذل مساعی ایدیورلر. اون بش سنه ایچنده یوز میلیون فرانك صرف ایدیله رك سوربون و فروعی تجدید و توسیع اولونویور؛ بوندن باشقایکی اجزاجی مکتبی، یکی برحقوق فاكولته سی، بر طب فاكولته سی انشا، پروغراملر افكار فلسفیه و تجددات فیه یه کوره تنظیم و توسیع اولونویور. معارف نظارت نك بودجه سی هر سنه منتظماً برقاچ میلیون فرانك تزید ایدیلیور.



یکی سوربون : بویوك آنفی ته آتر

پارس دارالفنون نك حال حاضر ی ۱۸۹۶ قانونیه تعیین اولونمشدر. بوقانون موجبجه دارالفنون بش فاكولته یی (پروتهستان الهیات فاكولته سی، حقوق، طب، ادبیات، فنون فاكولته لری) وبر مکتب عالی یی (اجزاجی مکتبی) محتویدر. ۱۹۰۲ سنه سنده الهیات فاكولته سی لغو اولونمش، دارالمعلمین عالیه دارالفنونه الحاق ایدیلشدر.

ھربىر فاكولتە نىك شىخىسىت مغنويەسى، ھيئت تعليميەسى، طلبەسى، بودجەسى
 آيرىدر. بوقا كولتە لىك جملەسى سىن نھرىنىك يىسارندە مون ژنە ويە وودە محتشم
 بنالرى، لابوراتوآرلرى، قولە كىيونلرى، كىتبخانەلرى و تفرعات سائرەسىلە
 معظم بربلدە علم و عرفان تشكىل ايدەرلر.
 دارالفنونك مركزى يىكى صوربون سىراى محتشيدر.



يىكى صوربون : بويوك آنفى تەآتر

صوربون بناسى قاعدەسى يىكرمى بىرىك مترو مربعى سطحندە بىر مكعب
 منتظمدر. فن معمارينىك بديع براىموزجى عداولونان جەھە و مدخلى محتوى اولان
 ضلعى مكىتبلىر جادەسى اوزرندەدر. بوضلعندە زمين قاتىلە برنجى قاتدە دارالفنونك
 ھيئت ادارەسى، رەكتورك دائرەسى، پارس آقادە مىسنىك اقلامى، دارالفنون مجلس
 دائرەسى، قومىسيونلر و سائرە بولونور. دەرھازىك ھان قارشىسنە بويوك آنفى تەآتر
 تصادف ايدىيور. بوا آنفى تەآتر دىنانىك اك كوزەل واك واسع سالونيدر. اوچ
 بىك سامع استيعاب ايدەر و طاوانىدن تنوير اولونور. داخلى ريشليو، صوربون،
 رولن، پاسقال، لاو و آزيە وودە قارتى تمثيل ايدەن مىرمدن مصنوع آلتى ھىكل ايلە

ألك بويوك رساملرك وبالخاصه پووى دوشاوانك محصول دهالرى اولان واسع لوحه لرايله مزيندر. آنفى ته آتر بنانك مركزىنى تشكيل ايددر واىكى جهتنى ادبيات وقون فاكولته لرينك درسخانه لرى ، آنفى ته آتر لرى ، كتبخانه لرى دارالاشتغال لرى ، لابورا آتور لرى وسائر دسى اشغال ايلر.

صوربونك داخلنى تزىن ايتك ايچين عصر ك ألك مشهور رساملرى و هيكل تراشلى دعوت اولونمش وفي الواقع بودارالعلومى زيارت ايددن زائر ك انظار حيرتى جلب ايتك ايچين هيچ برفدا كارلق أسير كنمه مشدر. بر حالده كه بنانك هر طرفى ألك نامدار اضالرى طاشيان لوحه لرايله سوسلودر .
يالكز صوربونك توسيى ايچين صرف ايدىلن پارا اوتوزايكى مليون ايكى يوزيكرمى بيك فرانغه بالغ اولمشدر .

علوم فاكولته سى

علوم فاكولته سنك مركزى صوربونك داخلنددر . رياضيات ، فيزيق كيميا ، حيوانات ، نباتات ، ارضيات ، جوغرافياى طبيعى ، معدنيات ، غريزيات شعبه لرى بوراده بولونور . مع مافيه بر مدتدن برى علوم طبيعىه و تحريات قيه ده حاصل اولان انبساط وتوسع علوم فاكولته سنك برچوق شعبه لرىنى صوربوندن چيقارمغه ، باشقا يرلرده واسع واحتياجات موافق يكى بنالر ياپديرمغه مجبور ايتدى . پارس شهراماتت ك احداث ايتدىكى « تكامل عضويات » كرسيسى صوربوندن خارج بردائره ده تأسيس اولوندىنى كى كيمياى تطبيقى تدريسات نظريه و عمليه سى ومؤخراً معلم كورى ايچين احداث اولونان فيزيق كرسيسى ده خارجه ده خصوصى بردائره ده اقامه ايدىلشدر .

طب فاكولته سنه داخل اولاجق طلبه نك اعدادينه مخصوص وتدريسات عاليه ايله تدريسات تاليه نك بيتنده بر درجه تشكيل ايددن فيزيق ، كيميا وتاريخ طبيعى صنف لرينك دورت يوزه بالغ اولان طلبه سنه مخصوص اولمق اوزره نباتات باغچه سى جوارنده بويوك بر بنا انشا اولونمشدر . اساساً صوربونك داخلى علوم طبيعىه لابوراتوارلرينه كافى كلمه مكده اولديغدن تطيقاته و تحريات قيه ده مخصوص

اولمق اوزره صوبون جوارنده يىكى يىكى دائره لر انشا ايدىلىكده وبونلوك فنونك
اكصوك تجلياتى ايچين بديع برر انموذج تشكيل ايمه سنه غيرت ايدىلىكده در .
انستيتوپاستور دخى كيميائى حياتى كرسيىنى قبول ايتمشدر .




علوم شعبه سى مساعى عمليه سالونى - نباتات لابوراتوارى

علوم فاكولته سنك پارسده كى فروغندن باشقا بجر محيط اطلاسى ساحلنده ،
بجر شمالده وبجر سفيد ساحلنده اولمق اوزره اوچ مهم لابوراتوارى ده واردر .
بولابوراتوارلر عضويات وحيوانات بحريه نك طرز حيات وتاريخ تشكيل وتكاملنه
متعلق تدقيقاتده بولونمق اوزره بويوك حوضلر ، مكمل قولة كسيونلر ، آلتلر
واقتضا ايدن معيارلره مالك عمليات صابونلرني محتويدرلر . غريزيات نباتات
تدريساتى ايچين فونته نبلو اورمانى مدخلنده مكمل برده نباتات لابوراتوارى
واردر .

علوم فاكولته سى معلملرينه سنوبى برمليون اون بيك فرانك ولابوراتوارلرينك .

مصرفى ايچىن بش يوز اوتوز بىك فرانق تخصیصات ویریلکده در . تدریسات
آلتش معلمه، سکسان آلتی معاونه تودیغ اولونمش واوچ بویوک شعبه یه تصنیف
ایدیلشدر .



ادبیات شعبه سی : دوکتورا سالونى

ریاضیات شعبه سی

ریاضیات عمومیه	حساب تفاضلى و تمامى
میخانیک	میخانیک طبیعى و تجربى
تحلیل عالى	هندسه عالى
علم هیئت	ریاضیاتك فیزیقه تطبیقى
میخانیک فلکى	

فیزیق و کیمیا شعبه سی

فیزیق	کیمیای عضوى
-------	-------------

کیمیای حیاتی
کیمیای تطبیقی
معدنیات

کیمیای معدنی
کیمیای طبیعی
کیمیای تحلیلی
کیمیای عمومی

تاریخ طبیعی شعبه سی

مبحث الرشیم عمومی [۱] مقایسه تشریحیه

مبحث الحیات عمومی [۱] نباتات

انساج مبحث العجائب [۱]

پاله اوغرافی وظائف الاعضای نباتات [۱]

تکامل عضویات مستملکات نباتاتی

عمومی وظائف الاعضا [۱] علم الارض [۱]

حیوانات مستحاثات

بو تدریساته قرق اوچ لابوراتوار تخصیص اولونمشدر .

علوم فاکولته سی بدایه لیسانس رتبه سنی احراز ایتک آرزوسنده بولونان معلم نامزدلرینی احضار ایتک مقصدینی تعقیب ایتکده ایسه ده علوم وقنونک بو کونکی طرز تلقیسنه نظراً شیمدیکی حالده بو شعبه یه دوام ایدهن ایکی بیک طلبه میاننده یوز یوز الی قادار معلم نامزدی بولونوب دیکرلری طب فاکولته سنی موفقیتله تعقیب ایتک یاخود معین برمسالك علمی صاحبی اولوق ویاخود صرف اکتساب معرفت ایتک هوسنده بولونان کنج لردن مرکبدر . برشا کردک یالکز برشعبه یه دوامی شرطی قالدیر یلمش ، آرتق هراوچ شعبه دن ویاخود ایکیسندن سرتیفیقا آلانلرکده لیسانس رتبه سنی احراز ایتمه سی تقرر ایله مشدر . فاکولته نک ویردیکی رتب علمیه نک اکبویوکی دو ققور رتبه سیدر . رسمی دو ققور رتبه سنی احراز ایچین ریاضیات ، علوم طبیعی ، تاریخ طبیعی شعبه لرندن برنده شخصی تحریات علمیه نتیجه سنده قلمه الینان برته زک مواجهه عمومیه ده مدافعه سی شرطدر .

ادبیات فاکولته سی

قسم تاریخی ده کورولدیکی اوزره أسکی دارالفنونده ادبیات فاکولته سی

[۱] اصطلاح انجمن نتیجه تقرر ایدهن مقابلری صیراسیله : رشیمیات — حیاتیات — غریزیات — مسحوات — غریزیات نباتات — ارضیات .

یوق ایدی. ادبیات علوم آلیه دییه ترجمه ایتدی کمز صنایع فا کولته سنده تدریس اولونویور ویالکز بلاغه منحصر قالیوردی. اوزمان بلاغت قواعدی آریسطو چیچرون، کنتیلیهن کیی حکما و خطبای قدیمه نك آثارندن اقتباس اولونور و مثالرینه بونلرک آثارندن انتخاب ایدیلیردی. طلبة کوردکلری درسلری لاتینجه و نادراً فرانسزجه ترتیب ایتدکلری اثرلرده تطبیق ایده رلردی.



کتبخانه نك مطالعه سالونی

برنجی ایمپراطورلق دارالفنونی تأسیس ایده رکن ادبیات فا کولته سنی ده احداث آیلهدی. بدایت امرده ادبیات فا کولته سی تدریساتی آلتی قوره وقورلری قوله ژ دو فرانس معلملرندن اوچ ولیسه معلملرندن اوچ که هپسی آلتی معلمه تفویض اولونمشدی.

۱۸۱۰ ده درسلرک عددی دو قوزه ابلاغ اولوندی: یونان قدیم ادبیاتی، لاتین ادبیاتی، لاتین شعر، فرانسز بلاغت، فرانسز شعر، فلسفه، تاریخ فلسفه، تاریخ قدیم و تاریخ جدید، أسکی جوغرافیا ویکی جوغرافیا. بو عنوانلرک

چو غنك معناسزلغى تدرىساتك ماهيتى حقنده بر فكر ويرييور . معلملر اُسكى فكرلرك تحت اسارتنده و بر دائره محدوده داخلنده تنوير شبايه غيرت ايدىيور، فقط تعقيب ايتدكلرى اصولك نتيجهسى اولارق سعيلى غير مشر قاليوردى . مع مافيه ره ستوراسيونك نهايتلرينه دوغرو قوزهن، كيزو وويلهن كيى اوچ بويوك معلم تعقيب ايتمكه باشلادقلى اصول جديده ايله فاكولتهيه اووقته قادار تفوذ ايدمه مش اولان روح جديدى نفخ ايتمكه موفق اولمشلردر . بو تاريخدن اعتباراً ادبيات فاكولته سنك عالم علم و عرفانده اهميتى آرتمغه، اهميتى بويودكجه معلملرينك دائره تفكر و تدريسى متناسباً توسع ايتمكه باشلادى و بر تعالى متمادى ايله بوكونكى مرتبه كماله ارتقا ايله دى . ١٨٧٥ ده ادبيات فاكولته سنك پروگرامنه اون ايكي درس داخل ايكن بوكون درسلىر يتمش يشه ابلاغ اولوندى . شيمدى يتمش معلم تدرىساتى اداره ايتمكده در . پروگرام اوچ شعبه يه تصنيف اولونمشدر .

علوم فلسفیه شعبه سی

فلسفه	فلسفه قدیمه تاریخی
روحیات	فلسفه جدیده تاریخی
روحیات تجربیه	قرون وسطی فلسفه سی تاریخی
منطق و اصول	اقتصاد اجتماعى تاریخی
اجتماعیات	تعلیم و تربیه

علوم تاریخیه شعبه سی

اقوام شرقیه تاریخ قدیمی	علم آثار عتیقه
یونان قدیم تاریخی	قرون وسطی صنایع نفیسه سی تاریخی
روما تاریخی	ازمنه حاضره صنایع نفیسه سی تاریخی
بیزانس تاریخی	قرون وسطی ده خرسیتیانلق تاریخی
قرون وسطی تاریخی	ازمنه حاضرده خرسیتیانلق تاریخی
قرون جدیده تاریخی	اون آلتنجی عصر دن بری افکار خریستیانیه و ادبیه تاریخی

عصر حاضر تاریخی	مستملکات تاریخی
تاریخ سیاسی و دیپلوماتیقی	عمومی جوغرافیای
فرانسه انقلابی تاریخی	طبیعی جوغرافیای
اقصای شرق اقوامی مدنی تاریخی	مستملکات جوغرافیای
اصول تاریخ	شمالی آفریقا جوغرافیای و شمالی آفریقا اقوامنک استملاکی

تاریخک علوم معاونه سی

لسانیات شعبه سی

هندستان لسان و ادبیاتی	فرانسز لسان و ادبیاتی
هند و اروپائی لسانلرینک مقایسه لی صرفی	صرف تاریخی
عبرانی لسان و ادبیاتی	رومان لسانلری فیلولوژیسی
قلاسیق السنه قدیمه صرفی	اینکیلز لسان و ادبیاتی
یونان بلاغتی	المان لسان و ادبیاتی
لاتین بلاغتی	جنوبی اروپا ادبیاتی
فرانسز بلاغتی	اسپانیا لسان و ادبیاتی
یونان قدیم لسان و ادبیاتی	ایتالیا » »
یونان شعری	روسیا » »
لاتین شعری	ماجارستان » »
فرانسز شعری	اسقاندیناویا » »
فرانسز لسانی تاریخی	

بوکون ادبیات فا کولته سنک فعالیت علمیه سی بو زنکین قادرولر داخلنده جریان ایتمکده در . درسار قسماً عمومی ایسه ده صرف فا کولته طلبه اصلیه سنه] مخصوص درسار دخی ویریلکده و اجرای تتبعات ایچین زنکین کتبخانه لر ، صنایع نفیسه قوله کسیونلری ، آثار نفیسه معماریه و هیکلتراش مستسخلری ، استامپالر ، صولی بویالر و فوطووغرافیالر طلبه یه کشاده بولوندورولمقده در .

فا کولته بو پروغرام ایله فعالیتیه فوق العاده بر انبساط ویرمش وهان دهای بشرک بوتون تجلیاتی تدقیق و تتبع ایتکی وظیفه ایدینمشدر .

فا کواته نك ویردیکی شهادتنامه لر متنوعدر . فرانسر لسانی رؤسی ،
دارالفنون تحصیل رؤسی کی شهادتنامه لر دارالفنونك ابتدائی رتبه علمیه لرینی
تشکیل ایدر وهان اجنیتره منحصر قالیر؛ اصل عنوانر لیسانس ، تحصیل عالی
رؤسی و دو قورا رتبه لریدر .

بوکون ادبیات لسانی دورت قسمه متقسمدر. فلسفه، تاریخ و جوغرافیا،
 قلاسیق السنه و ادبیاتی، اقوام حاضرہ و اجنبیہ لسان و ادبیاتی قسملریدر.
 نامزدہرہانکی قسمده کسب اختصاص ایدہ رایسہ ایتسین بہمہ حال لاتینجہ یہ
 واقف اولدیغنی عندالامتحان اثبات ایتکہ مجبوردر.

شفاهی امتحانلرده طالبك انتخاب ايتديكى ماده دن باشقا دارالقون شعباتندن برينك پروغراملرندن اختصاص ايتديكى شعبه نك درت بش قندن ده امتحان اولونور. وبوصورتله معلوماتنك محدود ويالكز برقاچ كتابك مندرجاتندن عبارت اولماديغنه ، تتبعات وتفكرات شخصيه محصولي اولديغنه قناعت حاصل ايديلير .
ليسه آغره ژره لري (معلم ناضر دلري) ليسانس امتحانني موفقيتله كچيرمش و ليسانسيه اعلان ايديلمش ناضر دلردن ايكنجى برامتحان نتيجه سننده انتخاب اولونورلر .


فا كولتەنك اُك رڧيع رتبۂ علميەسى دوقتورادر . صوك زمانلردە پارس
ادبيات فا كولتەسى دوقتورلرينك يازدقلىرى تەزلرايچندە محافل علميەدە تائيرات
مخصوصە اجرا ايتمش، آثار عاليەدن عد ايديلەجك مؤلفات پك چوقدر .
ادبيات فا كولتەسك معاش مخصصات سنويهسى آلتى يوز يتمش بيك فرانقدر.
ابنيه نك تعميراتى ، كتبخانەلرك ، لابور آتوارلرك قولكسيونلرك توسيع
وتكشيري ايچين ھرسنە مھم مبالغىر صرف ايدىلىككەدر .

دارالعلوم بنی عالم

پارس دارالمعلمین عالیہ سنک شانلی ، شانلی اولدیغی دار عارضه لی بر تاریخی
وارد در . بومؤسسہ مشهوره ۱۷۹۴ قونوانسیون دورنده احداث اولونمشدر .
انقلاب افکار حریت پرورانه سنی تعمیم ایتک ، بو افکار ایلایه مشبوع یکی بر نسل

یتشدرمك مقصديله فرانسه نك هرجهتدن كنج معلملری پارسه دعوت ایتمك .
صورتيله مكتهی تأسيس ايله مشدر .

حکومت انقلابیه آز چوق بر سرمایه عرفانی حامل اولارق مراجعت
ایدهن معلمله کندی صنعتلرینی ئوکره تمك اوزره مونثر، لاغرانثر، لاپلاس،
برتوله وولنهی، برناردن دوسن پیره، لاهارپ کیبی زمانك اَك مشهور علماسنی
مأمور ایتمشدی .



عالی دارالمعلمین : داخلی آلولوسی

لاکن معلمین ايله طلبه نك سويه لری آراسنده اویله عمیق بر تفاوت مشاهده .
اولونمشدرکه آز زمان ایچنده بدایت تأسیسده تصور اولونان اصول تدریسك
تبدیلنه مجبوری کورولمش، دارالمعلمین کندی طلبه سنی دارالفنونك ادبیات
شعبه سی منتیپلرندن انتخاب ایتمکه لزوم حس ايله مشدر .

بو وجهله انتخاب اولونان اَك جوال ذکالر بوراده اوچ سنه لك بر حیات
تحصیل کچیرمکده ایدیلر . طلبه برنجی سنه ده دارالفنون درسلرینی تکرار ایدهرلر،

ايکنجيدە توسيع معلومات ايلرلر و اوچنجى سنهده معلومات مستحضره لرینی
ديکەرلرینه القا وتلقين ايتمک صنعتی ئوکره نیرلردی . بو اصول ایله واک بنام
رجال علمیه نکه رحله تدریساتنده یه تیشدیریلن معلمین، ادباء، محررین و متفکرین
فرانسه ایچون باعث شرف برزمره منوره تشکیل ایله مشلردر .



عالی دارالمعلمین : طایفه اوداسی

مع مافیه مکتب نه قادار مکمل اساسلره استناد ایتدیریلیرسه ایتدیریلیر
ترقی و تکامل قانوننه تبعیتدن قورتولامازدی .
دارالفنونک کچیرمش اولدیغی انقلابات اثناسنده فنون و ادبیات شعبه لرینک
اکتساب ایتدکلری ترقی و کمال بو ایکی شعبه نکه معلا کرسیلرینی اشغال ایدهن

معلمینک تدریساتنی اولا دارالمعلمینک سویه سنه و بالا آخره اوسویه نك فوقه ایصال ایلهدی . بر درجه ده که دارالمعلمین بوتون فعالیتنی محافظه ایتمکه برابر بعضی پیکلرک کندی مرکز لری طرفدن جذب ایدیلسی قیلندن بویوک عالیه رجوع ایتمکه، اونکله توحید مساعییه مجبور اولدی .

ملتک بوتون افکارینی بوتون آمالنی توحیده موفق اولمش اولان فرانسه کندی مرکز حکومتده ایکی مرکز علمینک بر برندن آیری اولارق یاشاماسنه، آیری ذهنیتده آدم لر یتیشدیرمه لرینه مساعده ایده من ایدی . فقط بو اتحاد حاصل اولق ایچین بر عصر دن زیاده بکله مک ، بر عصر لق تکاملک بوتون صفحاتی کچیرمک ، حصول اتحادک ضروری بر شکله کیردیکنه قناعت حاصل ایلهمک اقتضا ایتدی .

مع مافیه دارالمعلمین الان موجودیتنی غائب ایتمه مشدر . درس لرینی دارالفنونده آلان طلبه مکتبده بیتوت ایدر . مکتبک کتبخانه لرنده، لابورا توآرلرند . تتبعاتی اکال ایلر . بو حیات علمی ایکی سنه سوردر . واوچنجی سنه طلبه تکرار مکتبه رجوع ایلهمک صرف مسئله متعلق درس لره ، تحریرات علمیه یه، تجارت فیه یه حصر اشتغال ایدر .

— بیتهدی —

لطفی

استانبول ولایتی اسبق معارف مدیری

